



夏赤城先生文集



全六册

~ 16  
2799  
1









起落以先汝學鼎其前歷沈文治信於天大歐扇標  
春千文後虞推與質層洪漫剽間以不地顯陽其散  
心穉顯刊同以昌允存日醜全以力敝以於氏風響  
責誰於刻罷而勅采液允能學氣與以際茲出矣推  
而為茲乃趙嘉兼未浮五合昌節吾地而如春顧崇  
於先猷至尚禾二眾潔嘔黎顯台抑不日童又備  
先生未今春沈故著刊醞英稍本赤尖守壘而遲至  
生歐若夏大氏一帶落而孳不束城由曉河尊以固  
文陽昌三佑槩皆視胎後其類吳夏歐沒獄信二且  
原子新百尤會巨氣盡肆為昌詳先陽固昭以三以  
兼春又丰峻稽公體文而文黎明生氏韓昭而百揚  
可此不而相俞儁格似先浚春史當表文流韓年其  
輕固知先契侍人骨不生博昌而明章自峙文直波  
重後若生重御率力勝鼎兼黎其宏尊立於始待而









夏赤城先生文集序

卓然介立於萬山之表峻嶒巖劣作作熊熊似朝旭  
之初升令人不敢逼眎赤城山之在台岳其岱之日  
觀衡之祝融乎明 評事夏先生家茲山之陽卽以  
爲號其氣節似之其文章似之詩云高山仰止仰止  
先生者卽其號可知其人矣先生去今幾三百年明  
史所傳家乘所載以及學士大夫所稱述亮節清風  
常如一日先生固不待文而傳而文之所傳雄深瘦  
勁削膚存液精氣所煥歷久彌新是則赤城山之光  
氣盡萃於先生文集中名山不朽茲集亦當與之不





朽也嗚呼吾台文獻苦於無徵久矣宋學士之圖經  
二劉之江東天籟其時皆傳播藝林至今欲睹其片  
紙隻字而不可得然猶可諉曰遠至與先生同時而  
興者名公巨手蔚然林立而著錄之書僅留其目獨  
先生文章能與氣節並垂不朽此固先生著作之精  
神有以干雲霄排風雨蔚林樾沸清泉與名山同壽  
而亦先生代有象賢能寶重遺文以無失先人之舊  
夫是故手澤長新作作熊熊與赤城山光氣並煥也  
文集凡二十三卷一刻於嘉禾沈公概再刻於涇縣  
王公廷幹三刻於太平趙公方崖迄今歲久版湮先  
生十二世孫建寅慮其久而失傳也命子名賢取族  
姪鳴陸家藏舊本鈔錄之今年春名賢與族奇澤正  
綸鳳鳴一乾乾元暨子鉦江正澗卽舊本詳加校對  
登諸梨棗俾傳瑗具道所以重梓之意傳瑗自維末學  
望先生之門而不得入何敢爲先生文集敘顧讀先  
生詩若文有年矣仰止赤城山者輒欲題詠霞標以  
見志服膺先生文集者幸得附名末簡以增榮是所  
願也因不辭鄙陋而爲之言

乾隆三十有七年歲次壬辰正月穀旦同里後學徐  
傳瑗頓首拜譔



題赤城先生集

赤城先生嘗自哀所著書以十千類爲卷目藏于家其始得嘉禾沈氏概梓之曰甲乙選稿旣而王君廷榦謫貳吾台卽甲乙稍廣之爲七卷鋟諸郡齋甲乙先生手定節取貴精郡本襍眞贗雌黃者或似是之大佑昔從先生仲子河得其全草錄置家笥屬海寇至燬焉頃承留臺之乏過天台復得前鈔合甲乙與郡本參列質校一是皆以先生手澤爲的侍御會稽俞君汝虞好古而信先生遂圖所爲廣其傳者夫華國之具六籍尚矣嗣是作者若林孰不自以爭雄方



駕顧其品藻味旨遡之曠世恆鮮以聲氣應求卽孟  
堅之於子長猶隘心焉先生學古成名當憲孝二朝  
全盛時稍試輒退遺榮以勵俗乃其履素貞方確然  
不入緇磷者又足以濟美先公而成危行由之立言  
名世非具有華實者邪先生嘗言李唐作家惟韓愈  
氏人文俱傳噫斯其自儼倫矣然退之起衰八代歷  
唐迄宋始遇六一爲之知己以遂昌鳴至今先生沒  
未幾乃值吾侍御樂爲暢發潛耀俾繼今作者獲覩  
其全其於品藻契許殆速且長視昔所謂蒼翥海鯨  
繫星五緯宜必有辨於此云集凡正辭二十有一卷  
加別錄二卷爲外集于以廣嘉禾與台之未備似是  
或寡而夏氏之故亦與有徵焉

嘉靖乙丑仲春旣望南京刑部尚書同郡後學趙大  
佑書于金陵官舍



夏赤城先生文集總目

卷首

本朝欽定明史列傳

卷一

賦 四篇

卷二

詩四言 五首

詩五言絕句 六十二首

詩六言 四首

卷三



詩七言絕句 七十一首

卷四

詩七言絕句 一百零九首

卷五

詩五言古 一百四十九首

卷六

詩七言古 二十六首

詩長短句 一十五首

卷七

詩五言律 一百二十八首

詩五言排律 四首

卷八

詩七言律 六十九首

卷九

詩七言律 四十二首

詩七言排律 一首

詩餘 二首

卷十

雜著 一十九篇

卷十一



奏疏 六疏

卷十二

書啓 四十五首

卷十三

序 二十篇

卷十四

序 二十六篇

卷十五

序 二十六篇

卷十六

記 三十四篇

卷十七

記 二十九篇

卷十八

碑銘 二十篇

卷十九

碑誌 二十二篇

墓表狀 九篇

卷二十

哀詞祭文 傳贊附 十四篇



傳 九篇

贊 二十六首  
附傳 一篇

卷二十一

題跋 二十四篇

卷二十二

外集

雲間知舊錄 四篇

蘇臺附錄 一篇

同時文稿附錄 四篇

卷二十三

外集

名臣家錄 一十四則

跋 一篇

夏赤城先生文集總目終



本朝欽定明史名臣列傳第四十七

夏埴字宗成天台人景泰二年進士授御史天順  
初巡按福建繼清軍江西發鎮守中官葉達恣橫  
狀達爲歛威以薦超擢廣東按察使時用師歲久  
役民守城埴至悉遣之成化初奏猺獞弗靖用兵  
無功由有司撫字乖方賊因得誘良民爲徒黨劇  
寇數百脇從萬千進則驅之當前退則殺以抒憤  
害常在民而利常在彼况用兵不已供歛日增以  
易搖之人心責無窮之軍費恐外患未除內變先  
作請慎選監司守令撫綏遺民彼被脇之衆自聞



風來歸帝深納其言尋遷布政使調江西八年以  
右副都御史巡撫四川苗獠時爲寇墳立互知會  
捕法賊爲之戢古州苗萬餘居爛土久時議逐之  
墳謂非計松潘參將堯或請益戍兵三千又力陳  
不可皆得寢已奏所部將校多犯法奏請踰時輒  
至遁逸請先逮繫然後奏聞帝可之墳剛介善聽  
斷所至民不寃在蜀二年民吞畏服然厭繫劇與  
時多齟齬子鏃獻詩勸歸墳欣然納焉年未五十  
卽求退章四上得請旣歸杜門養親不接賓客又  
五年卒鏃舉進士宏治四年謁選入都上書請復  
李文祥鄒智等官罷大學士劉吉忤旨下獄得釋  
久之除南京大理評事疏論賦歛徭役馬政鹽課  
利弊及宗藩戚里侵漁狀不報鏃素無宦情居官  
僅歲餘念母老乞侍養遂歸家居三十餘年竟不  
復出



明夏赤城先生文集卷之一

同郡趙方厓先生原定

乾隆壬辰嗣孫名賢重梓

光緒己丑二房直庵公派下重印

二十世孫鴻藻校對

賦

居閔賦 少作

居邑邑以無故兮莫時命之大乖抑所遭之不猶兮  
記前聞以興懷二八生而選虞兮傳巖築而登台偉  
姬且而何人兮下白屋之微才孔曰鮑叔其賢兮實  
導桓以相賊矧常何之備武兮忘驟薦乎家客悲此



義之不晰兮胡天經之與地則苟青紫之旣登兮班  
濟濟而忌刻羣奉己以下上兮謂元元其疇依惟予  
心之不然兮廁孤憤於羣嘻豈肉食之爲鄙兮曾布  
衣之有知感鄧生以杖策兮叫帝閭而謂之嗟此愿  
之不遂兮恆日夜之怍怍忽掩卷以長歎兮將投筆  
而趨耕聊徙倚以登眺兮薄遐想於青冥悵天道之  
幽元兮考古人之攸行甯子伏而商歌兮三閭放而  
楚聲其一舉以該輔兮一從彭咸之故也豈纍其劣  
而溘兮固興亡之數也苟此理其或然兮吾將蕩而  
不慕也樂得此以卒歲兮茲未久其又寤也昔尼父  
之年老兮有歸與之歎音彼賈生之不羈兮終泣涕  
而隕身非夫人之好勞兮固懷鬱也其難任眇予身  
之不量兮志瀕涸其無垠奏黃鐘於瓦釜兮冀堯舜  
於君民抗危辭以激烈兮忘此身之賤貧譬負山之  
蚊蟲兮爲昭代之杞人衆與我而不和兮婉相告其  
猶疑競貪婪以交征兮謂清士之非宜紛媿媿以干  
寵兮謂靜女爲弗奇毀方爲賢兮緘默爲忠揭囊爲  
利兮被服爲榮居上爲顯兮位超爲通圖回其始兮  
不慮其終謂天蓋高兮后土曠也陰隲爲誑兮殃慶  
害從諛曰野響合節兮大音不諧儉人得路兮正己



無階吁嗟然兮吾將與達人以忘懷

道上賦

朝觀之歲

白日照兮平田遠樹暖兮山前人家兮樹邊道路兮  
綿綿弔不盡兮風烟樂有餘兮人閒草榛匕兮滿路  
稻穰匕兮彌阡見夫人兮憔悴把黍稌兮憂無饁輪  
弗埋兮帷弗褰噫道上兮流金錢君門遠兮誰爾  
憐不忍見兮此事空激切兮拳匕

山行及春賦

裊匕竹輿履平野以逍遙漸依山而幅岫岡蚴蟻其  
如結路疑無而旋索行客齊踵僕夫偃蹠鳴泉相隨  
乍聞乍失藤引梢而斷流樹卑枝以欵膝朝興暮止  
為狀不一萬壑停靄千峰迎日嗟予之行也乃在春  
三之前躑躅爭開青山欲燃天垂繡幄鳥弄管絃柔  
柔麥秀風清日煖同當此之時樂不可言既而雲涌  
森回疾雨如馳湔帷發蓋衣製濡眉何所避趨此有  
叢祠噫尋常行路而憂樂隨之况乎冒權竊柄寵祿  
是持夫然而曰恣樂而無憂我則弗知

三心圖賦

為張揮使  
浩希孟

戊辰之冬十月望近夏子至自唐興放舟羅浮並山  
而征鹿城伊邇九山斗形適流目於兩岸見土著之



羣英立平阜以號風倚晴巒而擁雪葳蕤闡秀的皜  
含潔聲影慘而江天色氣矜而寒節艤舟就之卓筇  
堅冰呼酒相屬神往心傾噫此庸非吾所謂三心張  
侯所交三勝引者耶爾乃喚醒羅浮之夢洗拂西山  
之節倒落祖龍之封相與一笑冥心元同當此之時  
亦不知三物者之為予予之為三物也然則世有能  
尚友三物者豈真面交也耶三物在傍如聞應聲返  
而登舟行人有程

卷一終

明夏赤城先生文集卷之二

詩四言

由佛隴尋太平寺

空山杖履獨樹孤雲何以寫意有僮無琴叶勤

赭溪之曲

赭溪之曲樂而不惛彈琴石上水流日高

發國清投高明

深山小路脚帶鳴泉澗收澄起雲斷石聯碧落過真  
地底炊烟險中集勝理或補偏計程量畧跳下青蓮  
菜



根宜百事色恥一民灌園人富金谷人貧

芝山爲新昌呂中遂賦

甘泉瑞氣商嶺高風三秀奕奕九光融融香吹雲暖  
色映崖紅誰爲此號與山無窮

詩五言絕句

和張白齋竹詩韻

五首

種少留雲戶看多破石衣晚來王母信青鳥到窻飛  
種竹半畝地生孫無地容強須留八尺安榻臥人龍  
公庭小莽蒼分得湘川霧龍身半倚墻鳳尾全侵戶  
愛裏笙簧在貪看木榻移晝長人吏散語鵲下堦時  
結伴只湖石分家自剡溪至今烟雨裏猶作越禽啼

睡雁

當日飛鳴罷睡成烟月圖沙頭羅網密莫信直更奴

題畫鹿

萃食春風閒相呼暫出山野情隨去住幸未飾鈴鐸

陳文佩文治南樓同堯卿西川賞冬菊一枝

南園獨菊花火色鮮纈匕道人不出門清心幾翻雪

臥病聽德威德文說梅花開

碧瓦翻晴旭春風偃絳紗老夫朝起病童子獻梅花

梅花



野水槎邊去梅花石上眠病夫無料理閒管一溪烟

謁劉諫議祠

苦口當時味餘甘在後昆不須憂社稷廟食近君門

柳塘霽色

綠漾風紋細黃垂日線齊一年春好處回杖柳塘西

孫家水碓小憩

累石分丹壑行楊蔭綠藜風高時颭水雲淡欲書空

獨行

山靜疑消雪秋清欲砭人獨行紅葉路空意自相親

柴門

二里溪橋路人家水影中柴門經日掩紅葉滿籬風

夏霽

展蹤泥裏少夏意雨中深散帙留童子溪頭欵綠陰

曉起

曉起營何事呼童扣野亭夜來池水滿溢却幾多萍

遊躅

地迥有人到山環無路疑孤烟明翠隴小雨亂黃鸝

春風

柳染家已綠鶯調個已遲春風亦人事到處肯相隨

紅梅



東郭尋梅去南枝北杏來未須標格在顏色任人猜

書鷹

隋石之下  
濤瀧躍雪

稜匕鍾岱姿立當千丈雪條籠厭粒腥海思正孤絕

送周潤夫還德安

一首

涼月旗亭酒秋風席帽塵明年攀桂客今日折楊人  
漾水隨舟月郎關逐馬塵誰知路傍客還舍却思親

送王汝化還汝陰

二首 獨花即瓊花  
汝穎有山名望到

翠竹碧梧地鷓鴣恣養翎冲霄從可卜穎水向來清  
客路獨花觀鄉心雙柳亭家山真望到旅夢憤峯青

次野泉韻送前人

人擁千峯去秋隨一騎清雲泉寫不盡應共別離情

端陽雨

北舍纔翻窟南疇已破秧貧家無節物好雨作端陽

又

正是農忙候廉纖雨及時幾多荷笠者歌笑向東菑

又

端陽九子糴鄰曲競相貽喜見甘霖沛豐登定可期

城門歌

曉月催歡起春波映酒深彩船長遠去草色自城陰

叢祠梅



亂石托孤根羣槎避清芬空山人不到花照玉晨君  
石橋

號空出雲蘿墮地作烟雨我來三出日屏息不得語

題畫屏

周秦俱失鹿山水自青空草元人去後淡泊在隆中

丁家牡丹及其留殘

洛水明霞委陽臺滿月殘春風只半面留與老夫看

館寶雲別寺僧

煑茗分禪榻看花悟佛乘甬東無限寺只與寶雲僧

臨溪歎

好日臨溪石激激風吹衣中央水自去四面山空圍

送李府公

紅葉青山路離亭酒不慳病夫觴五字赤子望公還

寶興

下井藤爲緇升天翠作梯烏呼青雨歇僧語紫霄低

溪行

溪行見紅葉流水認桃花欲借胡麻飯青山無阮家

見離人

今夜月色苦離人此出門不知門外月還照幾黃昏

送周公子臣省親還家



公子行色好輕鞍不染塵  
鱧岡一杯酒杭越萬重雲

送春

把君今日瓊滿送春風  
去明日又誰家南園看綠樹  
是日飲表弟徐世靖明日趙子相秀才家南園綠樹殆識

官舍對菊

雨撥黃花豔晴軒  
漆几幽但看無意採不是故園秋

其二

亂藥銀牙細空堦  
石髮長呼童安短几明日作重陽

古寺梅

玉種旃檀隙珠搖  
定水波空林人不到香趨病維摩

大江

十年聞此水今日見金山  
舟楫分明在風波欲渡難

送蓮渠周公入覲

三載人中最萬邦  
天上班冰霜行李好赤子意相關

送唐大尹

良宰如公少青天  
共一輪臺臣有耳目無犬吠花村

遊黃巖九峯

臥榻驚秋晚傾杯苦  
夜分十年三度意笑對九峯雲

贈晚江



徙榻九峯下東涯理藥鎗蘋香水自綠只愛晚江清  
臘月廿四憶掃塵

我屋空梁燕今朝定不留可憐青竹葉不解掃閨愁

月下獨坐

一片秋空月光在戶庭更闌人不寐蟋蟀壁間鳴

思君如思婦二章懷姜仁夫

思君如思婦分手見君難君還復入室我去路漫七  
思君如思婦君思我不如東西與南北百歲與君居

閨門

出自薊北門來聽吳越曲孤舟與病客今夜閨門宿

贈徐童子

童子有春風來傾一座中問年十五六家世屬王公

見歸戍

碧山歸暮客紅葉渡秋溪白頭尋舊里門巷不曾迷

寶劍詞

寶劍匣中響自傷久難開丁寧謝莫動安養濟時才

廣陵坐中酬伊侍御

我本山中客孤舟觸熱來豈知淮海上六月對霜臺

移舟

泛月尋山寺移舟宿水亭好風吹雨過仍臥一潭星



友人別業

鳥語四檐靜人來一室清龍琴掛素壁風動自成聲

青銅鏡

新磨青銅鏡自將照雙眉雙眉如可改是妾寵增時

送趙戴夫北上

十載親華幣去聲何無阜世心薰風次第長好去聽虞

琴

詩六言

初夏岳祠別室午枕二首

丹棘一藜苔甑紅榴幾點竹屏鼠跡閒窻乍到鳥聲

午枕初醒

香縷細縈素壁松絃只隔紙窻有酒不須更去眼中

一榻無雙

幾家門巷如水一個衣冠似僧已借閒窻几榻不妨

靜院香燈

題人書屋

築室數椽買樾藏書萬卷尋山吾伊聲裏猿睡勃窣

行邊鶴還



明夏赤城先生文集卷之三

詩七言絕句

奉和家尊述懷詩韻二首

兩龔謝病清忠重二疏歸田逸興催除却榮名俱有  
盡何須星鬢上雲臺

尚父白頭纔任重不因衰老自相催一從興起西周  
佐渭水秋雲鏤釣臺

霞城別意

越王城下月荒涼曹娥廟前柳帶霜日暮輪轅定何  
處一聲南雁斷人腸



送范甯國起復去京

越江秋晚水如天一曲離歌萬里船  
君去好開經濟手我今流盡利名次

立春日懷孫允防

岸柳條條欲耐寒東風昨夜喚春還  
江邊幾日無人問臥聽流澌下急灘

栢樹爲風所傷

庭前種栢小雲林齊結青帷伴我吟  
一夕大風門列戟便添月色眺遙岑

感事

死生去就兩戈矛怪見功名得到頭  
昨日逢人談世事歸來端坐數前修

方石先生以詩促我遊金華答

宦轍西遊訪道宗也勞推挽去匆匆  
平生遠味酸鹹共清路難忘一笑同

烏傷舟中別諸公

丈夫莫負此回生誰在人間浪得名  
今日烏傷江上別秋山秋水總含情

謁顏孝子墓

碑委文章眠斷草樹貪歲月立空祠  
行人莫問千年



事只有青天是遠知

謁黃文獻公墓

勝國文章終此坎客來下馬坐荒茅青袍白髮雲仍  
在道上牽人具酒肴

贈金廷器曾共場屋

破趙歸來立赤幢淮陰人道世無雙誰知此日論攻  
伐意氣還從廣武降

送杜豐縣貢去

路傍青草雙輪盡臺上黃金萬馬空總謂 聖朝能  
致士不曾見有破齊功

送王一齊出京

九衢白雪凍飛塵十里青樓醉殺人君獨衝寒向何  
處馬蹄不識御泉春

用白沙韻寄仁夫 二一首

路遠黃雲着夢通釣蓑長在赤霞東輪君馬上添詩  
稿直到江門聽竹風

我家近住玉平臺早晚隨雲並水來只恐鳳山三百  
里白雲出去水流齋

錢塘遇實夫遵道 二一首

相逢塵土卽相從十里肩輿到晚鐘莫道別來難見



面一書兩歲始開封

遠客深藏北市頭因思姜董出門遊  
寒衣石面知新雨涼葉西風滿路秋

杏花 一首

遲日高空漱碧波杏花明目路人多  
曲江一去無消息此日闌干奈爾何  
春在鄰家華屋傍數枝紅豔拂雕墻  
雲車忽枉千妃下太向人間不掩藏

途中口號

肩輿百里出無名旅飯三朝若有程  
四面青山塞雨裏野花香石笑人行

贈陳敬所

嘉植先生墓草青秋山居士杖藜輕  
平生兩眼看人破生死陳家老弟兄

吳掌教寓舍看菊值主人不在 三首

細雨斜風濕面來冷官門戶晝常開  
入門數盡黃金朵不見陶潛籬下杯

插罷疏籬護雪根先生騎馬歎人門  
客來只向黃花笑不見先生亦不嗔

花面紛匕向客開折花插鬢弄空杯  
綠衣門子提壺



去應報先生走馬來

間日新霽蒙招飲花間

泮水東頭菊滿園清香吹到野人門明朝更約看花  
伴認取青苔舊屐痕

過鹹塘杜氏

玉堂先生之子孫買山築室便成村家藏萬卷無人  
識祇有揚雄解到門

書學步莊壁

廿年長憶故人園及到來時人已仙情似山陽捨鄰  
笛山陽猶是舊山川

舟泊張外郎棚

落木孤村帶夕曛寒鴉飛盡水涵匕故鄉此去一千  
里終日船頭望白雲

臘月望見月

牢落空江客影單冰輪飛上水光寒閨中此夜思千  
里一樣團圓兩處看

廿九夜

一點寒燈一酒卮異鄉今夜不勝思我家兄弟高歌  
處正是天涯墮淚時

除夕



夏亦城先生集卷之三  
孤舟夜泊驛門前燈火家已正未眠遙想高堂應念我見今何處送殘年

晚眺 二首

低日射人千尺芒野風吹斷晚蒼  
去家在林鷗第幾牆  
半寸寒蕪沒晚光一川野水甲鱗黃  
去墻下歸鞍鄰舍郎  
門外晴溪日幾回白沙巨石沒塵埃  
烟浮翠練穿山去月掛銀鈎入水來

臘盡出郭

短籬茅屋覆青天野照松絃白路前  
車馬蕭條依暮色川原遠近曳寒烟

暮春禳輿

綠枝幽砌雨絲匕桃李小園花亂飛  
居士閉門無一事安排詩話送春歸

遊闡法寺 三首

青鞵白路出門閒便濟深溪望遠山  
滿地野香垂手過一潭晴影看雲還  
黃花細路到深山只憶書帷在此間  
鳥喚樽前山雨歇人歌伐木不知還



沙明水細渡江船鷺白鷗元共此川忘却百壺先準  
備隔波呼取酒家錢

山中襍興 六首

一枝斜竹小溪清宜有幽人在此行路轉沙空見茅  
屋木橋跨水不知名

門外清江是釣家白頭老子臥晴沙漁舟一個午風  
靜移向中流載柳花  
雨過青山偶獨行藤花穿木小菴清半窻綠意無人  
管付與幽禽三兩聲

漁竿擲在白雲溪有個人家住水西蒼樹重七人不  
見釣槎乞與照山雞

行過深溪放馬蹄草茵鋪到小堂西陰陰竹路殘花  
滿童子開門鳥自啼

何處風光欲斷魂水邊雲裏有芳園馬蹄不識山家  
路相趨溪聲到小門

夏日齋居

鄰桑分蔭過墻西燕壘蛛絲戶牖低獨臥小齋清似  
水晝長惟聽一聲雞

學舍看菊

秋山霧裏忽疑村跋履來看雨打門門外綠江吾釣



處黃花應識白綸巾

秋夜與客論事

肉食何人補袞忙  
白頭野老說行藏  
草堂一夜南風急  
恐有微言徹帝傍

柳塘春意爲大叅公獻

綠染萬絲朝雨歇  
青磨一鏡午風和  
此中生意論車載  
紅杏枝頭著不多

陽明洞二首

射的仙人我所思  
幾年鸞鶴隔天涯  
絳衣招手青童笑  
初入陽明洞裏時  
雪繭冰綃寫百篇  
道人典在墨池邊  
我來親見蛇龍走  
疑是金壺墨汁仙

飲橫舍竹洞

苜蓿杯盤欸翠宜  
刪留真荷主人私  
醉來書遍琅笄節  
盡是新開竹洞詩

送陳二尹之任新城

上手相逢下手分  
十年重作雨晴雲  
憑誰製徹新城錦  
好去添花與令君

養虎圖

畫地靈踪收小紙  
上堂風色動長林  
于今牙爪如麟



角空使昆吾鐵數尋

曉出德勝門陪祀諸陵二首

丹地朝辭出九城散班先得拜 皇瑩馬行朔野不

知遠日在蒼龍闕角明

雲沙一望接龍城迢遞三河數去程最是此行奇絕

處烟中山影漸分明

送柴司訓之沂州

帝城不與共羈愁木鐸紗廚自小舟一路春風吹恰

到先生新教浴沂州

暑飲張都閫爛柯深處

一幅湘簾雲影淨半池梅雨石痕新爛柯深處無人

到除是桃源洞裏人予實天台人

乞歸

自是病駒辭轡絡還同朽木去鐫劓綠袍再脫青山

外居士仍題舊隱銜

到家

廿年放兔因多病兩度歸來不當榮但使升堂歡老

母不勞負弩長官迎

送陳訥齋秩滿北上二首

油幕飛塵到亦稀十年官冷釜生魚傍人莫道歸裝



薄抄盡雲房石室書

潭松遠折一枝清把贈先生表意情楊柳千條南陌  
上尋常一樣送人行

竹坡

為李一之

苔阪烟窻瞰幾竿耳邊長是寫驚湍生來一種蕭  
意并與將軍劍石寒

畫菜

為某縣丞

攬得村園紙上看紫霜黃滑露華鮮良工健筆如流  
水不寫司徒食萬錢

梅二首

樹老苔深屐齒新竹邊石上獨來人從教不放一花  
面遠水荒烟自寫真

銀粟鐵梢微有韻冰條玉串更添寒老夫意思諸人  
別不逐花頭藥脚看

山店野橋慵挈杖天風雪意一題詩千言萬語丁寧  
處不是梅花了債時

踏雪送芹齋途次口占

馬足凌兢雪後來莊家乞得破寒杯眼前好景粗能  
說一色銀花遍地開

送周貳守上最天官



半刺全才地望高囊書斲去最天曹春風正馬燕南路應有行人識佩刀

甯海蕭文學觀得子在洪忠宣作簿生适處渠浦家聲第一功來看海水振儒風焉知木鐸非龍節三瑞于今不姓洪

畫鶴為張都閩希孟題

一筆能傳萬里心春風吹雪午堂深更須寬買明州絹添寫將軍大樹陰

明夏赤城先生文集卷之四

卷二終

詩七言絕句

九里松

九里長松石路平行人因得說思陵何如形迹消磨盡蔓草晴原鳥一聲

戲龍寺粉板

桃皮鉢裏分香飯栗尾牀頭散白毫城市客來何處覓小窻梨葉墮紅綃

送南溟行

別有序

贈行一字為君裁淺薄休煩到處開別後有情魚雁



在江山好處首頻回

江雲閣舊韻答張南川

潮落潮生一夜船等閒招手隔澄川三年再上江雲閣  
閣七字詩成萬選錢

觀音草

西來小草異蒿蓬天地生時別有工怪見著根泥土  
上只消水石養青叢

獨鯉為陳立之賦

空堂白晝風雨入好手驅濤轉石來便覺禹門真眼  
底暫留魚服待春雷

闡法寺見雪筆硯之事

李邕碑版我非才暫借僧房下硯臺一夜山前頭盡  
白隨風錯認灑空來

佛在疏林少竹間紺廬新聳衲衣閒從今準備常遊  
地渡水穿林不出山

呂聖功微時圖為盧仲賓題

萬間大廈與雲齊四海無邊快托棲獨有相君無住  
處滿頭風雪對山妻

石峰新居

屋後青山好卜鄰酒杯今始遠囂塵已開竹路通閒



客還種梅花映主人

遊龍潭中道次貞齋韻

二首 時歌  
者惜雲在

掃石班荆水氣涼更教纖手送清觴百年病懶偷閒  
地笑折山花續佩長

蒼西過雨麥風涼路滑諸潭坐引觴剛道白龍藏處  
密一溪流水遶村長

秋江別意送胡明府之任會昌

雙鳧西向虎頭州白雁黃花一櫂秋唱盡陽關好分  
手夕陽流水莫登樓

要以莊永言探梅二首

布鞵只與赭溪便一個荒亭許打眠每到秋深看罨  
畫萬株紅葉隔青烟

已傾雪渚春生句未遣烟蹊歲暮情寄語南漪并北  
阪好來相伴探梅行

曉步雙峯

雙峯獨步興難裁遠日曛曛海氣開塔影不隨流水  
去櫓聲還趁長潮來

後園棠梨

二首

可笑無詩與海棠年年杯酒賞春陽自家園裏婆娑  
地絕勝風流在許昌



若個名花擬太真  
妖嬈何必點去埃塵  
蓬山不隔陽臺近  
狎恰臙脂小朵雲

徙倚春園日幾回  
還於月下認芳蕤  
瑤池燕罷歸來晚  
醉臉勻匕萬玉姬

石溪新居看梅作

涼風捲葉洞前林  
臘近梅花只上心  
一夜草堂寒徹骨  
新詩還向賈家吟

過江梅

白縑帽子青藜杖  
閒問梅花上小舟  
何處茅堂春信早  
暗香吹落半江流

野渡梅

一年夢想在橫枝  
暝薄長林似有期  
數點曉星流水外  
行人回首放船時

梅

雪伴烟籠添寂韻  
天空日白奈閒愁  
屋西三叉尋梅路  
段匕苔衣破杖頭

遊溪南飯鮑家同行陳敏之予弟德文二一首

踏徧灘沙不問津  
縹裙水面過橋人  
農家本在山中住  
渡水看山步匕親  
僻處生涯耳得聞  
山居楚匕隔塵紛平沙  
短日相將



去拄杖前頭玉筍雲

春雪桃花朝日

燭龍銜日照園扉  
縞素叢中錦一機  
滿樹桃花三尺雪  
人間此景見來稀

送俞正齋奏績北上

秋來幾度送行人  
黃葉西風把酒頻  
不似今朝分手處  
斷腸回首萬山雲

送蔣先生制還清湘

春日離亭柳半青  
楚湘南去數歸程  
嶺猿莫遣啼江月  
中有孤舟泣母行

書牛

力盡南岡兩耳低  
間關水草逐東西  
淋漓荳粟雕文皂  
却怪豪家有瑩啼

遊萬年寺午飯護國寺戲贈寺僧

一舍西來集鳳麟  
個中門戶不通塵  
桃花流水水仙源  
近贏得雙姝作比鄰

秀溪路

細路迢迢縈翠微  
竹輿披草露翻衣  
午時正坐妙蓮閣  
指點羣峯下夕暉

六月雨



欵葉雨聲無日無大聲歷匕小虛徐朝來破我北窗  
夢起讀春秋六月書

賞雞冠花

赤羽幢匕立地齊紅雲朵匕壓闌低一年花事今何  
許看到階前萬木雞

送秦知衛歸古燕

燕趙悲歌舊所聞紫髯今識老參軍一杯岐路何言  
說我只煩公弔樂君

青山白雲圖

誰捲雲山上畫杖乍看白水浸青螺栢臺寫贈薇垣  
老青白因人筆意多

歸途口占小詩

二首 還謝  
府公顧東橋

十日淹留燕語頻壁間木榻不封塵春和著物原來  
別未說區區若飲醇

返客難忘戀主私更堪回首暮雲滋囊衣添得春風  
重莫道歸時似去時

送黃典幕入覲

明光朝罷上功牌車馬 綸音獎異才遙想一杯開  
歲酒五雲深處說天台

華亭舟中弔五同年



天入蒹葭送落曛一亭華月滿江雲耳邊彷彿山陽  
笛滴淚鳴舷詠五君

早發朱涇卽事寫意回柬吳黃洲

操縵誰家手不停終然一曲少人聽十年裹足知音  
盡漫載孤琴過鶴城

嘉興路

強吞弱委此封疆流水寒鴉幾夕陽兩岸荒烟時盼  
望眼中應有禦兒鄉

理書 丁丑歲暮

檢識釐分手不支九流四庫眼中滋却憐學殖今荒  
落記得祈招一首詩

贈余考功仲栗謫戍南海

從來皇極要扶將落地男兒幾個強老去不爭閒意  
氣望廬先拜重吾鄉

書李獻吉送閔柳溪詩卷

客來投客荷從容漆几鑪薰帶笑供開卷只疑風雅  
作眼中人是李崆峒

五峯

勝國文章讓子工雁山十記見奇胸平生耳裏聽佳  
作樓上今朝是五峯



再到靈巖憶趙半江舊遊

昔年誰共雁山秋掃葉閒僧未白頭今日獨來思往事  
野花苔石管人愁

雨後南溪聽鶯

杏酪烟消雨乍晴路傍斗酒趣閒行沙明水遠楊枝  
綠擬聽春鶯第一聲

感春

桑疇散綠雞孫悅花塢埋紅燕子忙年事幾何春又  
老卷書不語坐匡牀

讀李盱江集其詩曰蔽賢天所仇

十年歸臥守荒陬等是狂生自省時我本不賢誰敢  
蔽鬼神無語後人知

濯霞亭為侯庚兄體齋守宜

二一首

赤霞城下綠池平更著風欄臥水楹料得彩毫題榜  
後客來不敢濯塵纓

何物東南起建標一池遙映濕紅綃我來倚遍闌干  
曲疑是西川濯錦橋

退思閣為王千兵南屏

牙門玉節了公文雨市風闌退食頻一飲要知思是  
寶還從此閣書麒麟



遊陶大尹龍山晚隱暮歸口號

雲作蓋頭蘿作關霜毛羸得此中閒客來尚怪公多  
事洗竹栽桃未下山

自述

病鶴已無鳴澤韻苦匏猶有濟川才年來動止君知  
否慣向人家乞酒杯

清風嶺短述

粟委鬆牀蟬蠹落香浮繡幄孔鸞閒春風暗壁開桃  
李夜雨空階響珮環

答人書問

眼中人好各天涯書去山窻落棟花要識病夫十年  
事春風酒榼醉鄰家

次南山柬寄韻仍寄

兩鄉相去半千近無鴿無鴻阻寄詩刻上雪舟高興  
在南山須記鹿鳴時

鹿鳴侯客

再寄南山

一詩三疊待人還遠意長留篋笥間今日路傍渾忘  
去却只將一笑寄南山

太平堤

橫波甌甌蔭槐蘭步匕風塵錦障寒人道吏囚今不



夏元城先生文集 卷之四  
驗還公鯨背看青山

聽人談陳希夷睡中事

十年林下哈臺過纔被蒼生喚醒來一片野心拋不  
得逢人還問華山雷

雞鳴寺雨中晚眺

蔣帝山高幕府空雞籠頂上望西宮傍人莫問六朝  
事只在滿城烟雨巾

廣陵

九曲池亭龍氣消誰家水調並蘭橈眼前亡國無多  
恨江水東邊是六朝

牛鶴圖

牧兒玩細忘大物臣僕探囊不奉公此意畫家分付  
在披圖一笑坐生風

送同年董德隅北行昨日送王天德

纔是王郎又董君朝朝騎馬大江濱從今分付臺城  
柳不辨飛花只送人

送董德隅

十五年前紅杏花與君同日映烏紗于今更折臺城  
柳別意春條亂似麻

和董萬紀韻 一首



仙衣遠帶敬亭秋黃鶴飛來憶舊遊明日別將城郭  
去一聲江海思悠々

逢人一醉秣陵秋回首新知是舊遊他日相思何處  
所敬亭花發又春愁

追送李德舉守長沙

把酒逢春江上頭白雲兩地更悠々行人若問金城  
柳依舊飛花滿御溝

題畫為徐世美

麥風梅雨鬪爛珊綠酒芳堂四月寒眼底二雛終入  
穀暫留雙喜畫圖看

世美子本姪  
奇具縣學生

酌客佛國寺馬上口號

畫簷影轉日初斜門外青山候放衙瘦馬獨尋雙樹  
去漸穿籬落見桑麻

遊雲峯轎上口占

脉脉高山逐逐遊竹輿香度嶺花秋翠濤一望渾無  
際誰道伽黎住上頭

遊寒明途中作

一隻肩輿一掛壺山家到處助行廚青泥過雨林間  
路時有鶯聲駐僕夫

將至明巖



夏亦坡先生集 卷之四  
十一  
三  
明  
車  
金蓮花下竹真小鐵獅子前蘿徑幽逢著樵夫問何  
事白龍眠處不曾遊

爲周崇陽乃尊題畫

買個青山養道心瓦杯茅屋避人斟山童報客清談  
歛門外清風吹素琴

題湘臯烟雨竹

半幅蕭騷帶雨看苦心誰遣寫江天怪來昨暮湘陰  
報失却東臯一段烟

有所思

悵望幽人過殘臘獨立遠渚悲青春路長欲往少鞍  
馬江清不歸梅柳新

七夕口號

蚤年不落王韋套中歲應無乞巧辭若問老夫今夕  
事生來不作女兒詩

作去聲

上虞舟中自笑

綸音渙發任依違痴子原來老更痴長嘯路傍人不  
問春風吹上幾花枝

送潘方伯得請歸

廟堂今日重人才邸報紛紛傳遽催却怪滿城傳好  
語紫薇花下賦歸來



施公祠

吳山山下千年柱白日青天尚烈風  
劍術自疏心自盡桂花香裏拜施公

平庵

何人胸中無蜀道多是山高水急流  
一個草庵心事別茶烟午枕夢西周

晚步

夕陽紅樹亂流霞行過溪橋路兩又  
水邊烟際人聲有樵子爭舟滿白沙

病眼避暑國清寺是夜雨旣又連雨沾足喜得

小詩一首

病眼不堪三伏暑肩輿來數萬株松  
却欣琳宇清涼甚天遣風雷洗五峯

水碓頭

雲碓無人水木滋赤城居士晚來嬉  
長松響入迴溪去恐有烟霞世不知

三絕句

豪傑爲文惟己出次猶師意不師言  
杜詩左史家匕揚獨怪崆峒是別門  
李謝程吳之數公通衢掉鞅亦文雄  
雖然不是興衰手也得旁門拜下風

四人一時同在翰林



賞會者 篇章對客謾評匕紫色原來認不真詩自晚唐  
文晚宋至今誰是起衰人

木芙蓉

錯認原村作水房花時却與菊聯芳秋風剗核無多  
景絳襍黃衣兩傲霜

梨花

繡管琅箋颯沓開看花看到洗糝杯已分老兔溫顏  
色踏遍巍山萬玉堆

西湖二首

綵船綠岸聽鶯聲喚起跣趺遶樹行西北般雷將雨  
過片雲不礙六橋晴

三年七度醉湖雲湖上雲來一一聞昨夜湖靈乞詩  
話斷歌匕似雲中君

西湖岸上岳王墳水碧山青藹綠雲幾度繫舟楊柳  
畔醉圍絲竹看碑文

萬山觀

仙家樓閣接城烟午漏無人樹影圓獨倚石闌看下  
界琪花飛在市門前

題壁

煮繭燒田四月中男耕女作總輪公閒官未領曹司



事且帶輜軒一采風

雙井

舟橫百尺要人牽  
火竿紅光近午天  
羞見路傍雙井水  
旋分清冷下人咽

訪古

紫干白壁短長亭  
小蓋輕輿過似星  
欲歛青山尋故事  
旋從旁縣借圖經

贈吳千之

一幅金花卷素塵  
清吟大字再來真  
于今寫作俱成謾  
病眼還能識舊人

壽怡靜叔七十

大阮清通小阮癡  
桃觴同日古來稀  
一陽之月蟾光滿  
只恐梅花聖得知

方祠二首

野廟荒城舊里閭  
松檐雲棟自清虛  
先生氣與商薇盡  
只恐英靈不肯居  
一個為忠九族亡  
全身遠祿亦綱常  
夷齊死後君臣薄  
力與乾坤繼首陽

鞠所為族父宗嘉賦

秋花原亦費春鋤  
水白山丹共匝居  
濯熱有時來小



阮清高不比野人廬

送張推府

涼傘輕衫避俗巾荆湖歸去拂清塵于今世上無真  
眼只有梅花識主人

閔農

三紵過眉二月黃偶因行路識農忙愿言  
寬省衣食蒲茅誦小康

過桃溪答趙次山約

百六烟花春已闌酒杯墨椀向誰寬白頭未了方崑  
路老眼相看又次山

初夏

盤簇青蟲新啖麥箕收紫椹遠條桑清和時節無多  
景閒坐空庭看燕忙

明巖方竹

方外人情供細藥眼中物理課新篇八寸關前此君  
子一樣無心獨惡圓

題宋道君畫鶴鶉圖

五朝生息人間富六賊輸來良獄多當被北軍擔揭  
去只留一筆認宣和

月松



嫦娥俯手撩髻翁玉兔攀翻翠影重試看清光當午夜絕勝和雨拜秦封

明夏赤城先生文集卷之五

同郡方厓趙公原定

乾隆壬辰嗣孫名賢重梓

光緒己丑二房直庵公派下重印

二十世孫鴻藻校對

詩五言古

遇興 三十四首

庭栢散疏雨墻蒿弄柔姿美人隔窻戶遺我長相思  
相思空悵望白日下青嶂妙曲雖不揚無言怨牙曠

其二

臥琴雙膝上含情共不發美人隔秋山不彈嗟遠別



秋山一萬重豈無雲路通愿攜金徽去負重難相從

其三

喬木生春夏青已出烟霧何知霄漢姿而非歲寒具  
庭草不自言含滋待霜露君子履危難殺身在平素

其四

我思蘇子卿牧羊邊地曠西風吹節旄節落心益壯  
十年一夢中思家憶天上羝乳負歸期旃毛托清饜  
海宇仰精忠古今悲畫像

其五

大化去不回閱人自成世昆池有劫灰榮名何足恃  
留爭日月光日月將墜地卽時一杯酒尊羹有深意

其六

大運久已然世道何嘆嗟重華一夕去天下以爲家  
川無洗耳公豺虎化其麇音霞此去不足道吾師桃李  
花

其七

伯陽天西去青牛隨紫霞路逢同聲子含笑相要遮  
下車五千字攜手之流沙阮公有石室吾將問桃花  
石室不曾關金潭戲雙鬢桃花表容色山水寫幽閑  
向予啓玉齒解佩一時間



其八

魏人得寶玉觀者入五都置之夜廡下光掩隋侯珠  
舉家怪且怖棄之遠市墟若無鄰人識至寶空長吁

其九

西京有高士出處何其賢東門二大夫圖史共流傳  
歸鳳逝超忽清風滿寥天舉首望不見住鳥空淒然  
至今雙白璧輝光照人間如何東門路不見有生還

其十

昔之豪貴家今人尚趨風貴人今已矣瓦落蓬蒿中  
意氣在人目榮華水流東何不煉五石飛昇太霞宮  
今人安可議萬代仰韓眾亦作終

其十一

遙遙隴西鳥辭家向中州金籠覩光彩未叩聲先酬  
似言生處好常懷琪樹頭何知白日暮斃此綠貂裘  
能言終為累客死葬青邱爾身亦何求嗟也鸚鵡洲

其十二

吳王愛越女因之作荒遊瑤臺白日暮金屋紫蘭秋  
留歌步香徑看月下長洲為樂時未久蔓草空悠悠

其十三

巫山有神女意像何微茫能傳宋玉賦轉使楚王傷



雲歸無處所詞在自飛揚焉知非托諷豈獨貴文章  
荒淫成夢想君看祖莊王強臺不暇飲而暇夢雲陽

其十四

歲暮何所歡但有堦前月取琴月下彈十指弄冰雪  
初歌商嶺芝再餓西山蕨若無此曲清何由對霜月

其十五

任公為大鈞投竿破東海芳餌五十轄音界終歲力不  
怠歲餘始得之蒼茫何杳隗牽肘若轉山騰波灑千  
里揚聲晦白晝終然就蓋醢若無久待誠何由厭若  
腥衆人惜小費大事故不成

其十六

表匕矜愚子舜禹非所讓談何容易哉君看長平將  
秋駕問王良阿房錄西匠為邦亦在人誰當辨真妄

其十七

賢者在人國清輝照四方所以段干木偃息蕃魏疆  
秦兵不敢向吾義有鈞強一國兩高蹈嗟匕田子方  
贖馬懷罷武何如將樂羊其君能下士千載共流芳

其十八

東都兩高士富春與豫章皮裘照清瀨自比潁水陽  
木榻對陳蕃依稀鳳鳴岡故人俱不亮輪詔遠相將



夏少坡先生文集卷之三十一  
四  
吾嘗登釣臺復得住南昌神交邈千古山水可憐傷

其十九

山雞照綠水俯影自怡翫但矜容色好不知身是患  
唐宮寵妃子前日昭陽燕量海未爲深信誓方且匕  
焉知馬嵬坡含怒易生變六軍同不發立取片言斷  
恩愛一朝空蛾眉自發難

其二十

至人抱元素立之極清中窅然誰爲累遺世若飛蓬  
安知勢利子奔走入無窮白晝不得息夜夢復匆匕

其二十一

冥棲與世久水木見本心淡然吾何事時去而哀吟  
青匕豈不好浩匕成故林感慨係之矣淚下空沾襟

其二十二

白日忽不見水石倦幽尋歸來吾何暮觀化顏此心  
夏綠時已久清霜妬繁陰物理疵太盛神怒一何深

其二十三

陽阿動凝塵采菱絕流水鄙人試聽之不若延露美  
我欲彈素琴世無鍾子耳遺琴向千載以待知音爾

其二十四

采蓮昆侖渚采匕百子房盛以雕玉筐灑以瑞露漿



秦皇見之笑漢武不敢嘗持之愿有贈歲暮空相望  
其二十五

磨丹不改赤石碎堅有餘君看折檻生豈復拜塵車  
是非飲狂泉美惡逐臭夫但守冰霜志夏蟲吾何如  
其二十六

傳聞秦時城萬里猶顏兀安能走馬窺東西一超忽  
由來龍翔地必竟異雲物黃沙自饒風白晝常隱日  
烽火一夕飛插羽走健卒將軍出生門邊人待公活  
其二十七

朝出雁門關荒途橫白骨遠日少光晶南人見如月  
事去可奈何禍來憂未歇終然一指憂四體爲不安  
追呼徹九縣走馬釋糞田百姓正饑寒君無輕塞垣  
其二十八

中夜燃明燈掩卷若有思忽然萬緒起咄嗟已頽而  
遠志未必逞小人多逢時世道三峽舟一挽徒何爲  
縱言人不信去乞漁爭坻

其二十九  
天地有閉塞博極自成冬羲和凍欲僵問誰鞭六龍  
回飈掃萬里癡雲礙重匕鴻雁斷行列飄翩失相從  
朔氣入金甲沙場且多烽芳辰諒在矣女夷歌雍雍



孤鸞別其類戚乚何當逢

其三十一

榮華若桃李依倚春風勢朝爲日月光暮作冰雪霽  
青鳥幾時來朱顏留不住已乚復何言貂裘采藥去

其三十一

愿隨黃鵠去刷羽玉井瀾黃鵠不我顧六翮空嶮  
孤鳴天路遠響落彩雲端感激雖自此偏塞高飛難  
吾將訪元鳳飲水憩丹巒

其三十二

幽鞠生南園晦此芳時令金玉比佳色冰霜見貞性  
春蘭久矣歸芳香與誰並月中有桂樹同聲豈相應

其三十三

官居念吾廬山水曠清言邈哉時未晤意去與誰論  
山中白雲子宿昔同飛翻但恐整羽服乘風向昆侖  
得與王處士行歌采芳根南山見石髓庶以慰吾魂

其三十四

伯益始作井龍去登元雲醴酒一不設卮漿復前聞  
去人看顏色聚訟期紛紛明明當路子信武亦昭文  
如何覩榮利罄折方訢訢世事已如此吾言復何云

遇風潮

三首  
宏治元年五月十八日



常言海水信未見潮汐險盲風助其威怪雨滋以點  
始也舟負塗忽焉架崖窳櫂工不自持投釘任渠颭  
舟人失相顧蚤就魚腹斂少年在我傍磊落涕空掩  
我翻思老幼容止亦少貶豈聞生有常但恨死無漸  
事急靜何營從頭得關檢雖無一善狀爲惡吾豈敢

其二

覆舟扳岸去有屋近在茲蒼茫競投入短褐取給之  
感荷主人意茶湯亦不遲須臾此物至如追受跟追  
鵝鴨浮近人復見漂卮匱四壁權且立重茅漸不支  
同難相驚畏何如此尤危提攜奉身去流涕望厓屣  
洪濤隱良苗咫尺懷深迷一生終可得含笑歸風祠

其三

祠中有老素云是故家甫爲我解破衣坐我無風雨  
遺我飯一盃少年不敢侮日夕風雨微懷人望烟宇  
入門有客來藹然東道主主人膠庠彥見我故羅縷  
長揖請我去褰衣蹋柔鹵逡巡在門墻放意坐堂廡  
主人有二弟恂恂並稽古愛我如主人一意無良苦

早

一雨望不來悠悠自前月流雲頗卷舒鳴鳥空煩熱  
濃木委夏陰蔓草應秋節日官且開府安得大關閉



夏赤城先生文集卷之五  
預憂泉脉枯厚土茲不悅何不出雲雨斯人洗蘊結  
陰淫亦漫滋大塊有氣血

雨

宏治元年六月廿七日禱於鵬鳩山而應

西山陰雲興嘉澤忽焉至腐儒當堦舞兒女拜至地  
意中禾黍高堂下波濤委鳴鳩逝吞聲佳木欣有淚  
山川得名譽天地消憂悖望深驚一見喜極反無事  
但恐隔晴陰更上層樓企

送文宗嚴作縣

同年有文子志苦位不充子欲留 朝廷不爲子之  
躬惟我識子意我見豈矇隴到手不肯住子欲怒驅  
龍子嘗與我言應聲偶相同子今行作縣愛惜及疲  
癯我亦從此去收志入蒿蓬與子不長久何以慰匆  
匆懷子以白璧送子以秋風

遊赤城寺

荒池響蛙黽古殿空丹漆客來掃紫苔共臥青山日  
逕回秋草長中有優婆室飽霞出寺門松高鶴飛一  
斜陽流水外人影燒山前長風起西方吹月上空天  
月色夫何如皎皎青竹輿在輿夫何如一吐雙月珠  
名山一爲樂霜清陂水澗曉拂梧桐枝卽事不如昨  
但恨瑣飲人無才稱大杓



冬日南溪命侶

兩日稍餘暇命侶溪東家山寒出郭好市近酒能賒  
笑攜二三子更蹋幾灘沙

醉後書梧竹軒

把君雕玉醖飲酒興未嬾日沉秉明燭相看髮誰短  
夢回三江清書去雙幘遠十年此幽軒一臥竹聲滿  
蚤發延豐寺聞趙栗夫在黃巖郝性之已抵雁  
峯矣

趙郝期我來崎嶇憩蓮室山長路不盡再落青天日  
青天何茫茫白日復東出欄馬驚人起林鷗啼曙畢  
僕夫破烟去脚帶霜草疾清雞過白村朗月指黃色  
二公栢臺秀手弄謫仙筆閒尋謝康樂笑理登山屐  
翩然過敝廬去矣手頻執趙公主文字未解黃巖繹  
郝公官事了身先兩峯入夏子在岐路寒風正蕭瑟  
推毫且傾瓢前路未一一

冬日山行卽事

窮冬喜初霽小出二三里風吹幾山松雪泯一溝水  
遠墻開旭旦晴望悅心髓滌匕步澗澄濁匕經陂瀾  
傍竹扣柴荆老翁將婦子單衣久僵臥負暄渾早起  
相見但寒溫兩不通字氏



遊國清與堯卿敬之諸人路集雙澗水中

氣激連山佳石徑空塵垢良人抱奇觀不謂行多耦  
迢迢雲裏路雙泉眼中有碧色動思心漱齒時轉首  
尋溪共投足相呼忘前後鐘聲集寶地塔影落我肘  
入門閒作話巖日轉窻牖與君棄軒笏一醉遠公酒

暮宿田家

西風吹短景烟火四郊夕家家牽牛歸葉落庭際黑  
夫耕日入休婦炊仍夜織涼月照樹梢孤烟倚空壁  
去年急租稅機杼俱悉索今年幸少寬催刀不盈疋  
誰念鄩屋下出門長太息

我愛秋佳日

我愛秋佳日執熱正熾匕披襟起邂逅蕭瑟度房櫳  
風高報秋信日淡見秋容清添萬里波秀出遠山峯  
朝遊松院鼓暮宿月堂鐘行樂方自此山水有遺蹤

其二

我愛秋佳日步出青林樹青林無落葉好風吹我去  
靡靡並高山迢迢臨遠處我友此巖中經旬散巾屨

其三

我愛秋佳日釋子來相從去去靡蔭下聊以憩吾躬  
水流秋日高人坐寒草榮閒謠累自遣妄適得真空



近取足遠樂何必廣投蹤

榮字叶

其四

南陸禪餘暑西方運至德景澈懷堂奧氣涼淪几席  
正午自難忘良宵此可惜明月照空檐餘光透四壁  
蟲鳴何淒亮幽堂叫雙笛豈不愛佳日感事成咄喏

齋居

二一首

空齋轉秋序雲日麗清晝短墻隔鄰家花蔓穿橘柚

其二

白露聚高葉秋氣結衣裳閒舍閉瀟灑清燈照寒涼

懷潘堯卿借起

二一首

懷君屬秋夜月照窗下書吳山風景好况味在香車  
知子東郭廬草高行跡疏吾齋亦可怪蒿蓼羅前除

其二

兩地俱秋夕相思共月光獨吟東窗下形影自相將  
豈無小坐席賞會天一方行子不可期澗底秋花香

殘夏雪溪園廬柬在京諸友

左廓控羣山中田展華構雙門草色深四牆禾黍秀  
客來報主人手把一卷就主來亦婆婆客來亦宿留  
日氣動涼秋池香遞幽晝倦依窮翠休飲有連峯侑  
偶從園綺遊頗乖青雲舊



遊水口庵

崎嶇問蓮宇下馬松石間去聲山籬帶槿花石路走藤  
蔓攀條見鐘磬小堂清可翫未厭山中行還尋流水  
看路傍小靈湫石眼含碧靛地迴石埭古支撐綠苔  
半同行六七子捧酒還石面山缺涼氣來蔽日仍修  
幹蘊真遂良遊將歸報諸彥

田家

是時養  
火妻家

近客飽眠臥跋履起相逐雨晴幽澗響潦水滿行陸  
穿雲見夕光隔隴歸樵牧居人競出傲笑向禾黍熟  
田家指炊烟愿留此棲宿驂<sub>匕</sub>趨暮牆疏<sub>匕</sub>動涼竹  
里胥未經過門閒瓦杯淥今年幸少豐一飯重虛辱

秋日閒居

六首

含辛臥北窻慰藉來清侶既來已復去十日隔風雨  
寂寞以至昏有時成獨語

其二

散懷來近郊曠望起秋風雲葉一以披物化浩難窮  
歲暮衆趨淡天寒萬里空豈不感時節逾使心忡<sub>匕</sub>

其三

秋堂坐來夕秋蟲喧暝色推窻宿雨收霧月檐端匿  
涼風吹庭樹高葉仍一滴學道未遺境晏陰生喜戚



取瑟歌短章白光映東壁

其四

睡覺北窻下偃視天宇清風來碧檐端滿樹起秋聲  
羈蟬號斃歇巢鵲語相驚蟲鳥惜時去哀樂偶忘情

其五

鄰園足幽討露草無行跡泓延竹溝清庵靄蘿戶黑  
方池片雨過回風吹樹仄不見灌園人霜畦帶烟碧

其六

涼風起西北出郭吹衣裳一水曉光淡羣山秋靄蒼  
送客遠行邁於此集華觴悠悠獨來歸山水意空長

秋日閒居

遁身閭里間且免形跡拘散髮出門去嘯歌烟水區  
饑來扣傍舍盤饌隨耕漁既飽各分散歸覽案上書  
抽帙恣所欲客至偃蓬廬本自懶將迎久與世中疏

其二

連雨報初晴溪聲涼入樹行呼竹林伴笑向庭中去  
此處若通塵再卜清心處

其三

獨遊愛泓泉嘉樹環清晝幽然一葉下新看鏡光皺  
有酒何處斟風來披兩袖



其四

青山收暮雨綠樹見朝煙尋蹊理荒草去展溪東田  
壺餐值鄰叟釋子來相牽崎嶇絕橫陂崩崖抱幽阡  
亭午雞犬寂短褐茅數椽造門趣傾瓢蔬肉自成筵  
得酒雖不多意足俱歡然一飯未能報咄喑蘿蔓前

登金陵報恩寺塔

浮屠屹層空高步足幽尋解帶投瑤戶回梯畫閣七  
暗出蛟螭腹牙角羅瓊琳危牕過白日鳳鳥翔其陰  
氣陵三山隘標鎮五天深寸眸圍八極懷抱曠古今  
歌弄太無裏隨風滅清音舉首問元宰俯聽列仙吟  
惜哉六代烈舜禹蒼梧心興亡若奕棋崇高起荒淫  
輔世亦有道驅車但從禽趣去履平地許身雙南金

列仙以比六代諸臣吟字生於上句歌弄清音見彼皆遇  
時言揚而我之言風滅不翅惜哉六句即其地見世道如  
此彼雖遇時亦不過隨世就事如御者但取獲禽甚者喪  
君存君落二句見我雖不遇為小官而許身不輕俱懷抱  
古今事

僚友陳勉之張廷毓攜酒來問病予時已有歸  
志

歲暮霰雪深抱瘵閉虛館庭蕪但寒陰向夕鴉飛滿  
美人載酒來一笑回春煥杯傾離思集相看燭光短  
病中有懷左寺寢室



高齋上几塵悄然遺簡牘行跡何遲遲階苔靜含綠  
遙憐北牖下風雪亂叢竹百年行坐處悠悠在心曲

遊國清作

時節忽已變西陸動涼颼蟬吟行罷柳荷碧始虧池  
覽物諳去化尋幽悟前疲坐令山水隔烟蘿別幾時

閒居感事二首

嘉日忽已晚暝色結昏烟斂書起當窻滅燭看星躔  
月明梧葉落獨自空齋眠一爲金門遊白髮生園田

其二

青蛙滿涼露碧樹散炎烟閒居感時邁世業來相牽  
病駒不忘馴匏繫不忘遷平生及物愿且遣暮來還  
但乏希世姿未免難方圓雖復萬里足安爲御者憐  
所以甘寂寞洗耳聽雙泉 聖主無棄士拙者理當  
然已已忽復道笑歌且窮年

曉起郊行緬懷石橋華頂舊遊

秋氣入練幃涼臥不覺曉童奴卷衣出窻色白顚  
盥櫛須待人呼求朝務了把書仍懶讀去去溪亭好  
高霞過雨明灌柳辭烟蚤興來還獨去郊行卽幽討  
風襟度園竹露屐侵行稻野壁暗垂蘿寒塘餘采藻  
愿言窮勝界往跡今已掃



月夜賈一之載酒要遊赭溪二首

是夜興不淺山居嘆離索掛壺出遠林命侶來近壑  
倒裳起步月穿柳黑蔭薄鷺徙沙上飛回匕背人落

其二

空庭月樹蒼連山靜宵靄行樂須及時歲官不相待  
偃杖坐幽沙把杯聽遠瀨出門白日晚歸舍青燈在

候農

日出有所之勤生在力本臨川白鳥飛騎馬青山遠  
田空禾黍登務勞婦子偃解鞍索枕臥到村日啣晚  
老農田中歸向我一語婉然薪具雞黍全家不安穩

赭溪與白齋野泉二首

赤日落半邊山寒市聲暮空林無前期偶占羊馬路  
臨流不賦詩坐石自成趣歲月紫霞陰去來紅葉渡

其二

日落山背黃餘光滿溪路共愛溪林清沙色了不暮  
意得不在遠行邊卽勝處月出溪流響無詩散巾屨

霖二首

十日雨聲有沾濕何由了坐茲陰理愆得免外事擾  
納雲啓幽戶行水臨曲沼洗足上匡牀伸舒便昏曉

其二



愁霖雪已開惡暑去猶逐臥起臨前檻白日照庭綠  
生意歎鄰園喜聲聞比屋遠遊何必奇近傲心自足

秋日閒居 二首

人生貴適意齷乚何所營枕藉良易求卷帙復從橫  
開帙但隨手掩卷或心冥頤神復舉足愛此家園清  
雨洗豐草綠日照潦水澄寒裳歌棗下偃仰以含情

其二

溪光種柳年霞色張亭處林壑足消散遺我十年住  
安排遠世紛顧盼生情緒臨池見蒼顏已恐歲月除  
行阡省斂藏饘粥何由其當官負心賞在告憂氓庶  
仕止亮何成傾壺有真趣

溪行題王大年扇面

溪行見白石欲去還自留坐石弄碧水不知芳樹秋  
赭溪行遇羽士

秋高溪水碧獨往愛涼天提攜只蔬果歎唾空雲烟  
偃仰紫霞底延緣白鶴阡接遇道門舊元文共披詮  
意得兩俱寂清風起雙泉市人何處集競利不同年

赭溪

見霞亭在

去家只半里抱杖忘晨夕經營志已酬賞弄心未極  
遵渚歎鳧夢並流隨鷺翩灘落布赭平潭空垂蘿直



清淺揭荷溝陰森坐苔壁勝侶相牽出一飯記疇昔  
慮淡樂自殉情真事偏憶老至日月少荒遊是爲得  
閒中意轉深但恐世紛迫

竹居

昨暮聽人言今朝相牽去滂流攀竹色絕水得幽處  
香縷小堂清廣庭無襍樹

夜雨

歲月旣婆婆雲泉亦迢遞何必幽居人無心與經世  
寥落朱絲絃短歌風雨夜

冬初

冬初風日好閒館雨洗餘垂蘿四壁靜行蟻空階除  
高林無落葉綠映手中書

亭中二首

入垣都未遑走愛方池好落葉滿空堦解帶還自掃  
亭中日日心說向蒼生道  
鑿池不必深但取沒鳧頸晨往暮忘歸坐石衣裳冷  
眷茲一勺泉忽彼汗千頃

因事

時楊遠庵  
在吏部

傍無兩石樽莫省外間事但坐讀我書滿眼古之制  
吁嗟古之制便是今人例置書更三嘆鳴蟲候昏夜



三奈詩

靜夜一木榻悠乚何所思若非時間事便是千古期  
吁嗟千古期時事奈何哉

叶茲

靜夜一木榻遠郊新遇雨涼生體氣佳禾焦奈何許  
吁嗟柰何許造物不得語

靜夜一木榻偃視三星遲僮子請燒燭叱去待月來

音釐吁嗟待月來柰此蟲聲悲

歲暮

申懷日耿耿况復秋風清慘淡歲將暮蕭條意彌貞  
支撐一頽字託此幽居情小結尋雲伴嘉時出門行  
停策大路區百堵誰經營廣堂構元默高閣上青冥  
去之勿復省感事腸屢驚歡遊良在此扣霞求友生  
解帶指庭樹烹茶候柴局坐久落葉滿目近歸雲平  
跡殉林間弛道違世上榮折芳且爲樂庶免憂瘵并

朝投溪北淨居小憩

飯罷起披衣出門好風俱沙溪迫而秀石路小且迂  
秋高只一葉獨往愛庭虛

入寺

鳴鐘風滿廊正午衣裳冷院幽無人來獨立空庭影  
飲水開道書呼童汲深井



幽居

抱拙臥空廂蕭條但巾屨研臺一葉落幽獨自成趣  
扣門有客來要我遊何處

閒意

二首

推窗見落葉誰識歲暮心衆人殉所欲志士但悲吟  
雄劍鳴匣中塵埃何處深  
東園有大樹落葉銀河灣擬看投斧夕勢若崩五山  
匠人睇其傍十九去不還

田家

官閒邨人隱行阡步回塘是節禾稻熟昨圃今開塲  
作勞隘三時食力侈一漿縣罄有誅求收豐無蓋藏  
長嗟空磊落遠念始茫洋朝雨洗殘暑秋風送新涼  
天高疎松秀地僻衆草芳遇景暫須遣行歌轉紆腸  
如何牧人子專復恣虐傷一夫思禹稷大道慨虞黃  
潛鱗仍水泳飛鳥亦雲翔茲遊不成歡憂樂豈有方

暑夕見月寄楊蘇州

三日困殘暑無生不萎摧流漿澤四體鼻口噉焞埃  
林塘夕氣清予懷亦不開千里蟾光滿始疑故人來  
望望西北雲遠意詎可裁迢迢問行舫擾乚夢蘇臺  
衆多空耳目婉變易成灰君心與我意千秋共沿洄



感秋寄懷張南園

名志清雲南人

執熱但愁夏不知秋已深有身恆為累寒暑遞相侵  
况復苦哀寂何能一開襟舊老多下世蕭條松柏林  
雖無前時侶得酒且共斟酒酣亦不樂逡巡兀若瘖  
離念阻以闊居然成古今望已西南雲歲晚傷我心  
留絃不即絕緬邈有知音

新涼讀陶

涼風歎四體頓失三伏熱一卷手中書復親陶靖節  
提翰出心素親疏陶冶別語多超然會思或闇而列  
循聲若比屋嘗韻乃殊轍篇章成獨步風概亦孤絕

詩之聲韻猶畫家形神兼備詩與魏晉以下諸作聲相近韻去遠

居閒

居閒何所營斗尺但衣食有酒仍自斟生計亦閒適  
摘綠小園有軒清幽澗得古人言語在造枕便終夕  
顏鬢隨年邁空餘心未極人隱入意多坐對秋林碧

平日讀書多在枕上手眼俱力

呂梁洪

我來遊俠窟水陸二千上豈無渺小濤局蹙無氣象  
約束尚由人安能更跌宕砰磅置食時轉首已吞喪  
前行歎徐方一水極高壯鵲河幾時傾鰲軸幾時抗



無乃偶支離水石不相讓風雷損威疾魚鳥失所向  
連山久踟躕雲日互惆悵懸壚發穹落禱險脫半饜  
止順費長牽贊逆累寸榜浮枯折萬篙沈斷靡百丈  
神鬼謝無功乾坤結不放窺管得雄觀濯足一超曠

乾坤結不放與轉首已吞  
喪相對庸傑之效然也

### 庭中

人間赴夕涼草樹連秋綠荒堦鵝鴨地屣履同棲足  
鳴蟲屬有抱遇時何所欲吾心已無事喧啾即幽獨

### 三韻三首步少陵韻

麟首亦有角龍膚亦有鱗有角不以抵有鱗藏其神  
圓顱與方趾湯桀同此身

大旱何所望所望但雲虹從教智彌天失人難爲功  
峩冠不隱人空出萬人中  
細人困宰牧大賢困常調不見裙襦子提挈亦有要  
但言何必長反以我爲笑

### 寄沈平庵二首

賞識不在眼中懷但傾渴逡巡齒髮變千里間何闊  
言倚恕心鐫愁加來書結因思把手難頗怪容易別  
去念久已牽征鞍良未決何許浙江亭雙鬼看潮發

平庵嘗梓  
予拙文



長沙先生文集 卷之五  
往事中懷在池灣輕泛舟清言結心曲逐子不得休  
高秋書劍闊白日軒墀幽輪奐侈新構野翁燕翼謀  
亦復憐遠客更庖進嘉羞披寫良已遣百壺空消憂

平庵父號南野翁嘗爲作傳

### 中秋

坐臥三秋半俛仰月再圓佳時缺心賞憔悴獨今年  
鬱蒸思倒井燒焚怕行阡一蔬但白壤籬蔓只空纏  
始憂坤軸焦四海漏百川又恐天樞燭兩曜自熬煎  
出門見流穴面垢衣裳穿亦知道路難襁哺仍裾牽  
帝饑困于地轉死方誰憐况乃豺虎跡從橫狎市喧  
居人中夜警譟逐土生烟誰令渡河去再誦騶虞篇

### 和毅齋見惠韻

二十韻

中散懶梳頭頽然只思臥一冬不出門日月鳥飛過  
雖然強安居有似置斜坐偷閒吟一詩不補等吏課  
幸逢閒長官得免罵且唾月俸三二石亦可無饑餓  
疾病方煎儂敢日勒朝賀坐此當免官慢弛自招  
挫驚鳥不返林羸馬豈堪馱同官總高才志鄙濬冲  
貨人去有懷德事成無義懦毅齋興獨豪歌以屬我  
和愛我拙詩篇嘆我故軾軻遺我瑤華音報之何以  
那此語恐未然望穫理先莖郎潛乃有之執戟嗟可



夏亦成先生文集卷之五  
索刀割與香塗吾以齊跌蹉處世貴含光太潔或受  
浣白璧不可爲墮地能無破苦言遂成章感君愛我  
些

和張白齋風雪篇三十韻

寒氣入病骨始覺四體涸堅臥一綈衾足音不出戶  
切幸對慈顏浩渺風雪暮妻兒迫爐火臭或聞燎布  
入夜聽窸聲冷睡自多寤有時狂興發起向庭中步  
短屐沒兩頭長林惡深霧立呼平頭奴擁箒覓故路  
野吹轉呼突鄰烟分布護客至但燒魚而無十人具  
終然原憲貧或者干木富何如烏衣郎椎牛煖金露  
屋壁被人衣春畦競誇妬虧損由滿盈造物爲爾怖  
牀頭三尺雪破屋風吹度無人振餘瀝排門一施措  
寒餓中心肝處女成脫兔世人未見患有如蝨處禪  
三白亦不休連旬如積怒後瑞且未論今艱欲誰訴  
天子方聖明相君勤吐哺小臣獨無能喞然若堅瓠  
但當對清雪呼兒取鄰醕再拜愿吾君受提兼錫社  
痴雲劃然收宿沍失若鷺明日罷南郊慶賞均頒賦  
元鼎和仁漿膏此洪本固萬國盡回春羣臣亦見素  
病客還東臯無勞長者顧明年風雪時詩酒將誰忤

秋興四首



曉步東郭門綠林換霜夕芳節忽已墮物情殊未極  
志士歲暮心高雁隨陽翼日出中林行懷人易昏夕

其二

出門望所思雞聲遠烟谷愴怳垂蘿徑微茫入林屋  
人行連樹陰犬吠小池綠自非息心侶誰來顧幽獨

其三

老病去人羣虛齋白雲日牀留孔氏書几撤蒙公瑟  
無事只摧藏有心空翠嶽憂來出戶傲寒鳥入林密

其四

一室長蓬蒿終焉茲偃仰露井晚花明風簷高葉響  
懇歎經世心闊結山泉賞長公不偶物齷齪誰當獎

中秋對月

宵匕一空天月色四面寫舉杯於其間就是不飲者  
良宵苦欲吟清景劇可把何處更宜看與子當適野  
高枝露點青已辨松蘿下

愛月軒爲陳以莊父

先生嘗愛月摩眼注青天月中何所有桂子已翹然  
先生今下世洗耳向黃泉

息齋竹爲龐宏壽題

臥嬾起披衣清風生我手掃壁坐此君對之一酌酒



人言歡茶得我獨賞之厚徐窺古絹素零落風雨舊  
飛來小石山突兀映窗牖終然三兩枝得意論千畝  
眼中江月白耳畔山鷓鴣相呼聲坐臥一蕭疎徵言人  
無有何如山谷老十韻發其藪湖州四百年坡老增  
不朽此幅得其髓見回息齋肘吾宗太常筆不落數  
子後千金買一幅淇渭在左右今之愛者誰士元吾  
小友

瓊臺行贈龐瓊臺

人貪歷險來地讓登高廣古殿入風雲良疇亘烟莽  
九峯布星極六院垂黍壤碑列苔裏文簫沈月中響  
林炊狐鼠親野闕猿鳥賞山名由產勝快指前岡往  
闕懸雙劍拔臺奠一窩仰登陟擬窮探捉株扳杙上  
短鬢舉空天長眺結元想仙人望不來手弄金鰲顙  
去觀肘腋下妄迹細尋訪丹竈裊烟蘿石牀冷雲幌  
笑引綠巖住坐看朱草長洞徹福庭遊鶴駟終忽恍  
忽恍且置之磊落方共獎女溪未尋源一繚三千丈  
噴薄下層巒天紳垂滉漾從前界道瀑得與赤城兩  
詩贈臺主人永與同標榜

亭中六首

野亭落葉深不遣家僮掃掃葉見苔痕不掃意自好



刻木加青黃作用非吾道  
亭中菊且莎賞會亦不來  
我有一杯酒獨酌向青苔  
空墜落葉聲賞我萬古情

鑿池還種竹竹上半池陰  
帶鋪無春夏幾許欲成林  
何如蔣生徑步步綠苔深

客來賞我趣繫馬亭前柳  
入門無一言自倒瓶中酒  
菊老霜枝折此意良愧負

啼鶯斷不聞空栽九株柳  
綠染萬絲勻不織一縷手  
且聽雙泉聲洗我耳中垢

綠映一亭好陰連雙水清  
枝撐日氣葉葉引風聲  
從教抱冰雪未救人間暍

繼善堂

人皆有至寶棄置不肯將  
况是先世業後人那得忘  
惟應俯手拾灑掃丹廬藏  
此寶一人手有美不可當  
潤逾九河水朗賽萬炬光  
能令一身樂更使五葉昌  
眼中誰肯搆華扁爛高堂  
感君雙魚惠爲君歌此章

呂仲仁母六十壽詩

鳳靡凰亦老看雛矯雲翮  
一朝下封章恩數在  
珠翟孤燈二十年泣盡方  
一啞始憶婀娜姿中有鐵  
與石問凰今幾歲十年前  
半百嘉辰陽月望填門來



賀客不勞送香炬歸飛自天北台州隔三江望見斑  
衣色鄉賢誇阿母我識韓康伯

正德戊辰七月望後予遊澄江寓後樂堂不幾  
日南洲應原忠亦來主賓相與慰適歡甚又幾

日南洲要石龍先去

我生拙自宜顧省寡儔侶戶屢雖有人口言心未語  
坐此故少悰其如更家慮鬱乚就僮僕筮方先委羽  
我來子亦來敬老仍嫗煦子賢主亦賢頓使渴心飮  
花香竹色幽分牀聽連雨日出照綠草子先別我去  
道成年未促相期定何處

北山詩

我不遊北山北山茲可想澗戶水流香天門風遞響  
巖比高士清谷居愚公上松密訝垂暮龍歸欣得爽  
倒石或摩肩飛泉時濺頰詩留蘿壁鐫人阻芝亭賞  
紫陽屢綦在半世心先往秀委立齋翁吾亦敬鄉黨  
爾黃實繼杜如其世德廣象賢有諸孫眷眷北山仰

遊蔣山

二首

笑拂衣上塵出門事幽討風落紫巖花霜欺玉澗草  
何處指馬鞭前峯見麴塵無人行採芝白雲空自好

其二



冷匕玉澗泉鬱匕鍾山石至今秣陵尉逐盜留遺跡  
畫闌秋雨深繡瓦春苔積升階眺靈光寒日掛松栢  
其三

欲上山頂遊山高豈堪陟三極望翠微吾意此為適  
重湖夾明鏡列嶂引空碧東南有高峯路遠目不極

登冶城

天青登冶城曠望開襟抱涼風送雁遲缺月墮江早  
回首弔荒墩長歌起烟草日斜驅馬歸彷彿西川道  
予備官南大理張白齋聯事白齋以詩名詩亦  
清好但不知論家數刑曹諸人疑先白齋於予

高濂江以女婦大小家譬曉之疑解

斯文有正色如女生大家高子具眼目衆口得不譁  
一語謬專夕粉澤滿京華

登報恩寺塔詩後段不稱清江一言今改定  
文章重譏彈作者自為妍高子定我詩一語三十年  
九原嗟可起再讀浮屠篇

高子嘗用一詩贊嘆予白鷺洲之作

高乃山陰人名臺字居賢

文章不朽事鑑賞在山陰愛我白鷺洲古人不如今  
才名稽山高識量鏡水深一章留篋笥歲久感人心

寄唐南溟

五首



夏赤城先生文集 卷之五  
眼中千里駒縛足止騰驤相看但泣涕無語問王良  
文章千古事高深重相許虛室靜懷人牀頭寒鳥語  
爾雲本無心蒼生望霖雨三夜夢金焦帆檣在何處  
文章久不競商略起衰季搖毫蹴雲軒鼓研飛龍寺  
既升昌黎堂復漫禰生刺惜也陳梓州焚身一縣吏  
縣吏名不齒梓州擅文名感遇三十章不數阮步兵  
人言一代宗何必愧西京近作幸見寄焚香讀少陵

越堂

邀朋步回溪掃地蔭修樾呼童取豆觴肴果應時設  
風條亂舞袖衆葉吟不歇涸沙漑餘潤遶蔭明一髮  
坐傍桔槔聲如訴早時節有生奉妍唱吟詩亦不闕  
朱光穿綠竇移牀屢違熱久歎溪樹清偶來樽酒冽  
瓶空遣再取主賢不告乏夕鳥沙上歸持此畢歲月

月沼

鑿池將待月月自不相違水中破玉碗天際滅清輝  
看到圓光滿水月兩成規主人池上坐把酒問盈虧  
却笑騎鯨子長歌捉月詞

卷五終



賦美補瀾于其烟與其隨

香降圓次散水且雨和與主人飲土坐其南河盛

靈幽深亦且且自不歸我水中如王游天初越帶

八日

研空豈再規生質不告友息心土誠許此畢意

求以容辨言新林曩數燦八想為勝言爾來

各形休沐也



